

С нами Бог

blagovist.org.ua

Обиходный распев



Услышите до последних земли: яко с нами Бог.

Могущии покаяйтесь: яко с нами Бог.

Аще бо паки возможете, и паки побеждени будете: яко с нами Бог.

И иже аще совет совещаєте, разорит Господь: яко с нами Бог.

И слово, еже аще возглаголите, не пребудет в вас: яко с нами Бог.

Страха же вашего не убоимся, ниже смутимся: яко с нами Бог.

Господа же Бога нашего Того освятим, и Той будет нам в страх: яко с нами Бог.

И аще на Него надеяся буду, будет мне во освящение: яко с нами Бог.

И уповая буду на Него, и спасуся Им: яко с нами Бог.

Се аз и дети, яже ми даде Бог: яко с нами Бог.

Людие ходящие во тьме, видеша свет велий: яко с нами Бог.

Живущии во стране и сени смертней, свет возсияет на вы: яко с нами Бог.

Яко Отроча родися нам, Сын, и дадеся нам: яко с нами Бог.

Егоже начальство бысть на раме Его: яко с нами Бог.

И мира Его несть предела: яко с нами Бог.

И нарицается имя Его, велика совета ангел: яко с нами Бог.

Чуден советник: яко с нами Бог.

Бог крепок, властитель, начальник мира: яко с нами Бог.

Отец будущего века: яко с нами Бог.

С нами Бог, разумеите языцы, и покаяйтесь: яко с нами Бог.

Слава... С нами Бог, разумеите языцы, и покаяйтесь: яко с нами Бог.

И ныне... С нами Бог, разумеите языцы, и покаяйтесь: яко с нами Бог.

С нами Бог, разумеите языцы, и покаяйтесь: яко с нами Бог.